

經進東坡文集事略

經進東坡文集事略卷第五十三

迪功郎新紹興府嵊縣主簿上進

記

墨君堂記

蓋公堂記

寶繪堂記

傳神記

山房記

墨君堂記

凡人相與號呼者貴之則曰公賢之則曰君自其下則爾汝之雖公卿之貴天下貌畏而心不服則進而君公退而爾汝者多矣獨王子猷謂竹君晉史王徽之字子猷嘗寄居空宅中便令種竹或問其故徽之嘯詠從而君之令與可又能指竹曰何可一日無此君邪從而君之令與可又能以墨象君之形容文同字與可蜀人進士高第以文學知名操饒高潔畫筆尤見晁無咎

變離作堂以居君而屬予爲文以頌君德則與可之於  
君信厚矣與可之爲人也端靜而文明哲而忠士之修  
潔博習朝夕磨治洗濯以求交於與可者非一人也而  
獨厚君如此君人踈簡抗勁無聲色臭味可以娛悅人  
之耳目鼻口則與可之厚君也其必有以賢君矣世之  
能寒燠人者其氣燄亦未若霜雪風雨之切於肌膚也  
而士鮮不以爲欣戚喪其所守自植物而言之四時之  
變亦大矣而君獨不顧雖微與可天下其孰不賢之然  
與可獨能得君之深而知君之所以賢雍容談笑揮灑  
奮迅而盡君之德稚壯枯老之容披折偃仰之勢風雪  
凌厲以觀其操崖石犖确以致其節得志遂茂而不驕  
不得志瘁瘵而不辱羣君不倚獨立不懼與可之於君

可謂得其情而盡其性矣余雖不足以知君願從與可求君之昆弟子孫族屬朋友之衆而藏於吾室以爲君之別館云

### 蓋公堂記

始吾居鄉有病寒而嗽者問諸醫醫以爲蠱不治且殺人取其百金而治之飲以蠱藥攻伐其腸胃燒灼其體膚禁切其飲食之美者朞月而百疾作內熱惡寒而嗽不已纍然真蠱者也又求於醫醫以爲熱授之以寒藥旦朝吐之莫夜下之於是始不能食懼而反之則鍾乳烏喙雜然並進而漂疽癰疥眩瞢之狀無所不至三易醫而疾愈甚里老父教之曰是醫之罪藥之過也子何疾之有人之生也以氣爲主食爲輔今子終日藥不釋

口臭味亂于外而百毒戰于內勞其主隔其輔是以病也子退而休之謝醫却藥而進所嗜氣全而食美矣則夫藥之良者可以一飲而效從之朞月而病良已昔之爲國者亦然吾觀夫秦自孝公已來至于始皇立法更制以鑄磨鍛鍊其民可謂極矣蕭何曹參親見其斷喪之禍而收其民於百戰之餘知其厭苦憔悴無聊而不可與有爲也是以一切與之休息而天下安始參爲齊相召長老諸先生問所以安集百姓而齊故諸儒以百數言人人殊參未知所定聞膠西有蓋公善治黃老言使人請之蓋公爲言治道貴清淨而民自定推此類具言之參於是避正堂以舍蓋公用其言而齊大治其後以其所以治齊者治天下至今稱賢焉吾爲膠西

守知公之爲邦人也求其墳墓子孫而不可得慨然懷  
之師其言想見其爲人庶幾復見如公者治新寢於黃  
堂之北易其弊陋達其蔽塞重門洞開盡城之南北相  
望如引繩名之曰蓋公堂時從賓客僚吏遊息其間而  
不敢居以待如公者焉夫曹參爲漢宗臣而蓋公爲之  
師可謂盛矣而史不記其所終豈非古之至人得道而  
不死者歟膠西東並海南放于九仙北屬之牢山其中  
多隱君子可聞而不可見可見而不可致安知蓋公不  
往來其間乎吾何足以見之

王君寶繪堂記

王君名說字晉卿

君子可以寓意於物而不可以留意於物寓意於物雖  
微物足以爲樂雖尤物不足以爲病

左傳昭公二十八年初叔向欲取申

公巫臣氏其母曰女何以為哉夫有尤物足以後人留

意於物雖微物足以為病雖尤物不足以為樂老子曰

五色令人目盲五音令人耳聾五味令人口爽馳騁田

獵令人心發狂五見老子章然聖人未嘗發此四者亦聊以

寓意焉耳劉備之雄材也而好結髦魏略曰諸葛亮見

適有人以聖牛尾與備者備因手向歸之亮乃建曰明

將軍當復有遠志但結髦而已邪備乃拔髦而答曰是

何言與我聊嵇康之達也而好鍛鍊卓遵不羣恬靜寡

以忘憂爾乃欲性絕巧而好鍛宅中有一物甚茂阮孚之放也而好

蠟阮孚傳云孚為安東參軍蓬髮飲酒不以正務嬰

有詣約見正料財物客至屏當不阮正見自蠟猥因自漢

後傾身障之意未能平或有詣阮正見自蠟猥因自漢

色其閑暢於是勝負始分此豈有聲色臭味也哉而

樂之終身不厭凡物之可喜足以說人而不足移人者

莫若書與畫然至其留意而不釋則其禍有不可勝言  
昔鍾繇至以此嘔血發冢已見宋孝武王僧虔至以此  
相忌南史王僧虔傳云孝武以擅書名不取豆元之走  
阿晉史元本傳云元與二年元詐長請平姚興又朝廷  
又書畫元本傳云元與二年元詐長請平姚興又朝廷  
兵內戰元本傳云元與二年元詐長請平姚興又朝廷  
格所元本傳云元與二年元詐長請平姚興又朝廷  
偶為元本傳云元與二年元詐長請平姚興又朝廷  
兒戲害其國凶其身此留意之禍也始吾少時嘗好此  
二者家之所有惟恐其失之人之所有惟恐其不吾與  
也既而自笑曰吾薄富貴而厚於書輕死生而重於畫  
豈不顛倒錯繆失其本心也哉自是不復好見可喜者  
雖時復蓄之然為人取去亦不復惜也譬之煙雲之過



服百鳥之感耳豈不忻然接之然去而不復念也於是  
乎二物者常為吾樂而不能為吾病駙馬都尉王君晉  
卿雖在戚里而其被服禮義學問詩書常與寒士角平  
君擺去膏粱屏遠聲色而從事於書畫作寶繪堂於私  
第之東以蓄其所有而求文以為記恐其不幸而類吾  
少時之所好故以是告之庶幾全其樂而遠其病也熙  
寧十年七月二十日記

傳神記

傳神之難在目顧顧虎頭云傳形寫影都在阿睹中顧虎頭之傳云惜之字虎頭每畫人成或數年不點目睛人問其故答曰四體妍蚩本無闕少於妙處傳神獨照正阿睹中其次在顧頰吾嘗於燈下顧自見頰影使人就  
壁摸之不作眉目見者皆失笑知其為吾也目與顧頰

似餘無不似者眉與鼻口可以增減取似也傳神與相

一道欲得其神之天法當於衆中陰察之今乃使人具

衣冠坐注視一物彼方斂容自持豈復見其天乎凡人

意思各有所在或在眉目或在鼻口虎頭云頰上加三

毛覺精采殊勝則此人意思蓋在鬚頰間也愷之常畫裴楷僕頰

加三毛觀者優孟學孫叔敖抵掌談笑至使人謂死者

復生史記滑稽傳優孟爲孫叔敖衣冠抵掌談此豈舉

體皆似亦得其意思所在而已使畫者悟此理則人人

可爲顧陸顧即愷之六乃探微吾嘗見僧惟真畫曾魯公魯公名公亮

初不甚似一日往見公歸而甚喜曰吾得之矣乃於眉

後加紋隱約可見作俛首仰視揚眉而蹙頰者遂大似

南都程懷立衆稱其能於傳吾神大得其全懷立舉止

如諸生蕭然有意於筆墨之外者也故以吾所聞助發之

李君山房記

李君名常字公澤南康軍建昌人如力學皇祐初登甲科

象犀珠玉恠珍之物有悅於人之耳目而不適於用金石草木絲麻五穀六材有適於用而用之則弊取之則竭悅於人之耳目而適於用用之而不弊取之而不竭賢不肖之所得各因其才仁智之所見各隨其分才分不同而求無不獲者惟書乎自孔子聖人其學必始於觀書如孔子讀易韋三絕之類當是時惟周之柱下史老聃為多書史記云老子姓李氏名耳謚曰聃周守藏室之韓宣史也又神仙傳云老子周宣王時為柱下史韓宣子適魯然後見易象與魯春秋昭公二年季札聘於上國然後得聞詩之風雅頌公二十九年而楚獨有左史

倚相能讀三墳五典八索九丘

左傳昭公十二年楚士倚相

過王曰三墳五典八索九丘士之生於是時得見六經

者蓋無幾其學可謂難矣而皆習於禮樂深於道德非

後世君子所及自秦漢已來作者益衆紙與字盡日趨

於簡編而書益多世莫不有然學者益以苟簡何哉余

猶及見老儒先生自言其少時欲求史記漢書而不可

得幸而得之皆手自書日夜誦讀惟恐不及近歲市人

轉相摹刻諸子百家之書日傳萬紙學者之於書多且

易致如此其文詞學術當倍蓰於昔人而後生科舉之

士皆束書不觀遊談無根此又何也余友李公擇少時

讀書於廬山五老峯下白石庵之僧舍公擇既去而山

中之人思之指其所居爲李氏山房藏書凡九千餘卷

公有約公釋飲詩先生生長廬山山中讀書  
舊聞飲水師顏淵不知治劇乃所便偷兒夜探赤白周  
大奮辭忽達朱子元中年羣盜公擇既已汲其流探其源  
採剥其華實而咀嚼其膏味以爲已有發於文詞見於  
行事以聞名於當世矣而書固自如也未嘗少損將以  
遺來者供其無窮之求而各足其才分之所當得是以  
不藏於家而藏於其故所居之僧舍此仁者之心也余  
既衰且病無所用於世惟得數年之間盡讀其所未見  
之書後漢黃香傳云香初除郡元和元年而廬山固所  
願游而不得者蓋將老焉盡發公擇之藏拾其餘棄以  
自補庶有益乎而公擇求余文以爲記乃爲一言使來  
者知昔之君子見書之難而今之學者有書而不讀爲  
可惜也

經進東坡文集事略卷第五十四

迪功郎新紹興府嵊縣主簿呂郎 暉

上進

記

鹽官大悲閣記

成都大悲閣記

勝相藏經記

勝相院記

黃州安國寺記

四菩薩閣記

淨因院畫記

鹽官大悲閣記

羊豕以爲羞五味以爲和秫稻以爲酒麴蘖以作之天下之所同也其材同其水火之齊均其寒煖燥濕之候一也而二人爲之則美惡不齊豈其所以美者不可以數取歟然古之爲方者未嘗遺數也能者即數以得其

妙不能者循數以得其略其出一也有能有不能而精粗見焉人見其一也則求精於數外而棄迹以逐妙曰我知酒食之所以美也而略其分齊捨其度數以爲不在是也而一以意造則其不爲人之所嘔棄者寡矣今吾學者之病亦然天文地理音樂律歷宮廟服器冠昏喪紀之法春秋之所去取禮之所可刑之所禁歷代之所以廢興與其人之賢不肖此學者之所宜盡力也曰是皆不足學學其不可傳於口而載於書者子夏曰日知其所亡月無忘其所能可謂好學也已古之學者其所亡與其所能可以一二數而日月見也如今世之學其所亡者果何物而所能者果何事歟孔子曰吾嘗終日不食終夜不寢以思無益不如學也由是觀之廢學

而徒思者孔子之所禁而今世之所上也

鳥壘詩話云熙寧八年蘇軾

知徐州自前杭州監官蘇安國寺相識僧居則請賦作大悲閣記意謂舊日科場以賦取人賦題所出多閑涉天文地理以理禮樂律曆故事者不取不留意於此等事今來科場以大義取人故事者只務大言高論而無實事以見朝廷政更科場法度不便也

豈惟吾學者至於爲佛者亦然齋戒持律講誦其書而崇飾塔廟此佛之所以日夜教人者也而其徒或者以爲齋戒持律不如無心講誦其書不如無言崇飾塔廟不如無爲其中無心其口無言其身無爲則飽食游嬉而已是爲大以欺佛者也杭州鹽官安國寺僧居則自九歲出家十年而得惡疾且死自誓於佛願持律終身且造千手千眼觀世音像而誦其名千萬遍病已而力不給則縮衣節口三十餘年銖積寸累以迄于成其高九仞爲大屋四重以居之而求文以



爲記余嘗以斯語告東南之士矣蓋僅有從者獨喜則之勤苦從事於有爲篤志守節老而不衰異夫爲大以欺佛者故爲記之且以風吾黨之士云

成都大悲閣記

大悲者觀世音之變也觀世音由聞而覺始於聞而能無所聞始於無所聞而能無所不聞能無所聞雖無身可也能無所不聞雖千萬億身可也而況於手與目乎雖然非無身無以舉千萬億之衆非千萬億身無以示無身之至故散而爲千萬億身聚而爲八萬四千母陀羅臂八萬四千清淨寶目其道一爾昔吾嘗觀於此吾頭髮不可勝數而身毛孔亦不可勝數牽一髮而頭爲之動拔一毛而身爲之變然則髮皆吾頭而毛孔皆吾

身也彼皆吾頭而不能爲頭之用彼皆吾身而不能具  
身之智則物有以亂之吾將使世人左手運斤而右手  
執削目數飛鴈而耳節鳴鼓首肯旁人而足識梯級雖  
有智者有所不暇矣而況千手異執而千目各視乎吾  
燕坐寂然心念凝默湛然如大明鏡人鬼鳥獸雜陳乎  
吾前色聲香味交通乎吾身心雖不起而物無不接必  
有道耶千手之出千目之運雖未可得見而理則具矣  
彼佛菩薩亦然雖一身不成二佛而一佛能變河沙諸  
國非有他也觸而不亂至而能應理有必至而何獨疑  
於大悲乎成都西南大都會也佛事最勝而大悲之像  
未睹其傑有法師敏行者能讀内外教傳通其義欲以  
如幻三昧爲一方首乃以大旃檀作菩薩像端嚴妙麗

具慈愍性手臂錯出開合捧執拍彈摩拊千態具備手  
各有目無妄舉者復作大閣以覆菩薩雄偉壯峙工與  
像稱都人作禮因敬生悟余游於四方二十餘年矣雖  
未得歸而相見其處敏行使其徒法震乞文爲道其所  
以然者且頌之曰吾觀世間人兩目兩手臂物至不能  
應狂惑失所措其有欲應者顛倒作思慮思慮非真實  
無思無手目菩薩千手目與一手目同物至心亦至曾  
不作思慮隨其所當應無不得其當引弓挾白羽劒看  
諸械器經卷及香華盂水青楊枝珊瑚大寶炬白拂諸  
藤枝所遇無不執所執無有疑緣何得無疑以我無心  
故若猶有心者千手當千心一人而千心內自相攬攘  
何暇能慮物千手無一心手手得其處稽首大悲尊願

度一切衆皆證無心法皆具千手目

勝相院藏經記

元豐三年歲在庚申有大比丘惟簡號曰寶月修行如幻三摩鉢提在蜀成都大聖慈寺故中和院賜名勝相以無量寶黃金丹砂琉璃真珠旃檀衆香莊嚴佛語及菩薩語作大寶藏湧起于海有大天龍背負而出及諸小龍糾結環繞諸化菩薩及護法神鎮守其門天魔鬼神各執其物以禦不祥是諸衆寶及諸佛子光色声香自相磨激璀璨芳郁玲瓏宛轉生出諸相變化無窮不假言語自然顯見苦空無我無量妙義凡見聞者隨其根性各有所得如衆飢人入於太倉雖未得食已有飽意又如病人遊於藥市聞衆藥香病自衰減更能取米

作無礙飯恣食取飽自然不飢又能取藥以療衆病病  
有盡而藥無窮須臾之間無病可療以是因緣度無量  
衆時見聞者皆爭捨施富者出財壯者出力巧者出技  
皆捨所愛及諸結習而作佛事求脫煩惱濁惡苦海有  
一居士其先蜀人與是比丘有大因緣去國流浪在江  
淮間聞是比丘作是佛事即欲隨衆舍所愛習周視其  
身及其室廬求可舍者了無一物如焦穀芽如石女兒  
此二語出維摩經乃至無有毫髮可捨私自念言我今惟有無  
始已來結習口業妄言綺語論說古今是非成敗以是  
業故所出言語猶如鍾磬黼黻文章悅可耳目如人善  
博日勝日貧僧惠洪冷齋夜話云舒王在終山有客自  
黃州來王曰東坡近日常有妙語客曰東坡  
宿於臨泉亭醉夢而起作成都勝相三經記千余言點  
定才一兩字有墨本適留船中王遣健步取而至時月

出東南林影在地王展讀於風簷喜見眉間曰子瞻人  
中龍也然有一字未穩客曰願聞之王曰日勝日負不  
若曰知人善博日勝日負耳東坡聞之拊掌大笑亦以  
王為知言據惠洪之說如此然公當自書此記後云予  
夜夢寶司索此文既竟已三鼓引紙信筆一揮而成正  
豐三年九月十二日四鼓書仲虎尚書跋其後曰此先  
祖文成日所書如人善博日勝日負二初不作自云是  
負字可見世所傳荆公事為妄也符拜手書

巧不知是業今捨此業作寶藏偈願我今世作是偈已  
盡未來世永斷諸業塵緣妄想及事理障一切世間無  
取無捨無憎無愛無可無不可時此居士稽首西望而  
說偈言曰

我游諸寶山見山不見寶巖谷及草木虎豹諸龍蛇雖  
知寶所在欲取不可得復有求寶者自言已得寶見寶  
不見山亦未得寶故譬如夢中人未嘗知是夢既知是  
夢已所夢即變滅見我不見夢因以我為覺不知真覺

者覺夢兩無有我觀大寶藏如以蜜說甜衆生未諭故  
復以甜說蜜甜蜜更相說千劫無窮盡自蜜及甘蔗查  
梨與橘柚說甜而得酸以及鹹辛苦忽然反自味舌根  
有甜相我爾默自知不煩更相說我今說此偈於道亦  
云遠如眼根自見是眼非我有當有無耳人聽此非舌  
言於一彈指頃洗我千劫罪

中和勝相院記

佛之道難成言之使人悲酸愁苦其始學之皆入山林  
踐荆棘虺虺袒裸雪霜或剗割屠膾燔燒烹煮以肉飼  
虎豹鳥鳥蚊蚋無所不至茹苦含辛更百千萬億生而  
後成其不能此者猶棄絕骨肉衣麻布食山木之實晝  
日力作以給薪水冀除莫夜持膏火薰香事其師如生

務苦齊其身自身口意莫不有禁其略十其詳無數終  
身念之寢食見之如是僅可以稱沙門比丘雖名爲不  
耕而食然其勞苦卑辱則過於農工遠矣計其利害非  
僥倖小民之所樂今何其棄家毀服壞毛髮者之多也  
意亦有所便歟寒耕暑耘官又召而役作之凡民之所  
患苦者我皆免焉吾師之所謂戒者爲愚夫未達者設  
也若我何用是爲矧其患專取其利不如是而已又愛  
其名治其荒唐之說攝衣升坐問荅自若謂之長老吾  
嘗究其語矣大抵務爲不可知設械以應敵匿形以備  
敗窘則推墮混漾中不可捕捉如是而已矣吾遊四方  
見輒反覆折困之度其所從遁而逆閉其塗往往面頸  
發赤然業已爲是道勢不得以惡聲相反則笑曰是外



道魔人也吾之於僧慢侮不信如此令寶月大師惟簡  
乃以其所居院之本末求吾文爲記豈不謬哉然吾昔  
者始遊成都見文雅大師惟度器宇落落可愛渾厚人  
也能言唐末五代事傳記所不載者因是與之遊甚熟  
惟簡則其同門友也其爲人精敏過人事佛齊衆謹嚴  
如官府二僧皆吾之所愛而此院又有唐僖宗皇帝像  
及其從官文武七十五人其奔走失國與其所以將亡  
而不遂滅者既足以感繫太息僖宗元年黃巢陷長安  
幸成都改元中和至四年李而畫又皆精妙冠世有足  
克用等狀復長安車駕乃還稱者故強爲記之始居此者京兆人廣寂大師希遜傳  
六世至度與簡簡姓蘇氏眉山人士吾遠宗子也今主是  
院而度亡矣

黃州安國寺記

元豐二年十二月余自吳興守得罪上不忍誅以爲黃州團練副使使思過而自新焉其明年二月至黃舍館粗定衣食稍給閑門却掃收召魂魄退伏思念求所以自新之方反觀從來舉意動作皆不中道非獨今以得罪者也欲新其一恐失其二觸類而求之有不可者於是喟然歎曰道不足以御氣性不足以勝習不鋤其本而耘其末今雖改之後必復作盍歸誠佛僧求一洗之得城南精舍曰安國寺有茂林脩竹陂池亭榭間三日輒往焚香默坐深自省察則物我相忘身心皆空求罪垢所從生而不可得一念清淨染汙自落表裏翛然無

所附麗私竊樂之旦往而暮還者五年於此矣寺僧曰  
繼連爲僧首七年得賜衣又七年當賜號欲謝去其後  
與父老相率留之連笑曰知足不辱知止不殆卒謝去  
余是以媿其人七年余將有臨汝之行元豐七年甲子三月公自黃州量移汝州連曰寺未有記具石請記之余不得辭寺立於僞  
唐保大二年始名護國嘉祐八年賜今名堂宇齋閣連  
皆易新之嚴麗深穩悅可人意至者忘歸歲正月男女  
萬人會庭中飲食作樂且祠瘟神江淮舊俗也四月六  
日汝州團練副使眉山蘇軾記

四菩薩閣記

始吾先君於物無所好燕居如齋言笑有時顧常嗜畫  
弟子門人無以悅之則事致其所嗜庶幾一解其頽故

雖爲布衣而致畫與公卿等長安有故藏經龕唐明皇  
帝所建其門四達八板皆吳道子畫陽爲菩薩陰爲天  
王凡十有大軀廣明之亂僖宗乾符六年改元廣明爲  
賊所焚有僧忘其名於兵火中拔其四板以逃既重不  
可負又迫於賊恐不能皆全遂竅其兩板以受荷西奔  
於岐而寄死於烏牙之僧舍板留於是百八十年矣客  
有以錢十萬得之以示軾者軾歸其直而取之以獻諸  
先君先君之所嗜百有餘品一旦以是四板爲甲治平  
四年先君沒於京師軾自汴入淮泝于江載是四板以  
歸旣免喪所嘗與往來浮屠人惟簡誦其師之言教軾  
爲先君捨施必所甚愛與所不忍捨者軾用其說思先  
君之所甚愛軾之所不忍捨者莫若是板故遂以與之

且告之曰此明皇帝之所不能守而焚於賊者也而況於余乎余視天下之蓄此者多矣有能及三世者乎其始求之若不及既得惟恐失之而其子孫不以易衣食者鮮矣余惟自度不能長守此也是以與子子將何以守之簡曰吾以身守之吾眼可霍吾足可斷吾畫不可奪若是足以守之歟軾曰未也足以終子之世而已簡曰吾又盟於佛而以鬼守之凡取是者與凡以是予人者其罪如律若是足以守之歟軾曰未也世有無佛而蔑鬼者然則何以守之曰軾之以是予子者凡以爲先君捨也天下豈有無父之人歟其誰忍取之若其聞是而不悛不惟一觀而已將必取之然後爲快則其人之賢愚與廣明之焚此者一也全其子孫難矣而況能久

有此乎且夫不可取者存乎子取不取者存乎人子勉之矣爲子之不可取者而已又何知焉旣以予簡簡以錢百萬度爲大閣以藏之且畫先君像其上軾助錢二十之一期以明年冬閣成熙寧元年十月二十六日記

淨因院畫記

余嘗論畫以爲人禽宮室器用皆有常形至於山石竹木水波煙雲雖無常形而有常理常形之失人皆知之常理之不當雖曉畫者有不知故凡可以欺世而取名者必託於無常形者也雖然常形之失止於所失而不能病其全若常理之不當則舉廢之矣以其形之無常是以前其理不可不謹也世之工人或能曲盡其形而至其理非高人逸才不能辨與可之於竹石枯木真可

謂得其理者矣如是而生如是而死如是而變拳瘠蹙  
如是而條達遂茂根莖節葉牙角脉縷千變萬化未始  
相襲而各當其處合於天造厭於人意蓋達士之所寓  
也歟昔歲常畫兩叢竹於淨因之方丈其後出守陵陽  
而西也余與之偕別長老道臻師又畫兩竹梢一枯木  
於其東齋臻方治四壁於法堂而請於與可與可既許  
之矣故余并爲記之必有明於理而深觀之者然後知  
余言之不妄

經進東坡文集事略卷第五十五

迪功郎新羅興府岷縣主簿巨卿 碑 上進

碑

韓文公廟碑

表忠觀碑

上清儲祥宮碑

宸奎閣碑

司馬溫公神道碑

韓文公廟碑

東坡外集載與吳子野論韓文公廟碑書云文公廟碑近已寄去矣

潮州自文公未到則已有文行之士如趙德者蓋風俗之美久矣先伯父與陳文惠公相知公在政府未嘗一日忘潮也云潮人雖小民亦知禮義信如子野言也碑中

已具謫矣伯父即援刑廣文惠即堯佐也

匹夫而為百世師一言而為天下法是皆有以參天地之化關盛衰之運其生也有自來其逝也有所為故申



呂自岳降

申即申伯呂侯乃姜氏即甫侯也初為呂侯後為甫侯按高詩云維嶽降神士甫及申

傳說為列星

莊子大宗師篇云傳說得之以相武丁帝有天下乘車維騎箕尾而此於列星古

今所傳不可誣也孟子曰我善養吾浩然之氣是氣也

寓於尋常之中而塞乎天地之間卒然遇之則王公失

其貴晉楚失其富良平失其智賁育失其勇儀秦失其

辯是孰使之然哉其必有不依形而立不恃力而行不

待生而存不隨死而亡者矣故在天為星辰在地為河

岳幽則為鬼神而明則復為人此理之常無足怪者自

東漢已來道喪文弊異端並起歷唐正觀開元之盛輔

以房杜姚宋而不能救獨韓文公起布衣談笑而麾之

天下靡然從公復歸於正蓋三百年於此矣文起八代

之衰

愈傳贊云正元元和間愈以六經之文為諸儒倡八代伐過東侯經晉宋齊梁陳隋也

道濟天

下之溺贊云自晉迄隋若佛蹟行聖道不忠犯人主之

怒憲宗遣使迎佛骨中外數罷中愈上表極諫帝大怒以愈

而勇奪三軍之帥愈宣撫使田洪正而王延

州力折其黨延侯曰今朝廷侯何所為愈曰仲東六軍

將如牛元翼者為不之但朝廷侯何所為愈曰仲東六軍

關之何也延侯曰即出之愈曰若爾則此豈非參天地

關盛衰浩然而獨存者乎蓋嘗論天人之辨以謂人無

所不至惟天不容偽智可以欺王公不可以欺豚魚力

可以得天下不可以得匹夫匹婦之心故公之精誠能

開衡山之雲愈有謁衡嶽廟詩云我來正逢秋雨前陰

直能感通須臾掃掃衆而不能回憲宗之惑能馴鱷魚

之暴愈至潮間民疾苦皆曰惡溪有鱷魚為民害愈為

自是潮無鱷魚患而不能弭皇甫鏐李逢吉之謗得愈

謝表頗感海內後用之皇甫縛素忌愈直即奏言愈然  
在疏可且內移乃改表州宰相李逢吉因臺參之事便  
愈與李紳交開遂能信於南海之民廟食百世而不能  
罷愈為兵部侍郎能信於南海之民廟食百世而不能  
使其身一日安之於朝廷之上蓋公之所能者天也其  
所不能者人也始潮人未知學公命進士趙德為之師  
韓文潮州請置鄉校滕云十室之邑必有忠信今此州  
戶萬有餘豈無無幾者耶刺史縣令不躬為之師里閭  
後生無所從李耳趙德秀才沈推專靜頗通經有文章  
能知先王之道論說且排異端而宗孔氏可以為師矣  
請攝海陽縣尉為橋推自是潮之士皆篤於文行延及  
齊民至于今號稱易治信乎孔子之言君子學道則愛  
人小人學道則易使也潮人之事公也飲食必祭水旱  
疾疫凡有求必禱焉而廟在刺史公堂之後民以出入  
為艱前守欲請諸朝作新廟不果元祐五年朝散郎王  
君滌來守是邦凡所以養士治民者一以公為師民既

悅服則出令曰願新公廟者聽民謹趨之下地於州城  
之南七里期年而廟成或曰公去國萬里而謫于潮不  
能一歲而歸沒而有知其不眷戀于潮也審矣軾曰不  
然公之神在天下者如水之在地中無所往而不在也  
而潮人獨信之深思之至焄蒿悽愴若或見之譬如鑿  
井得泉而曰水專在是豈理也哉元豐元年詔封公昌  
黎伯教魏晉以還奉者浸陋不足以名家而韓愈晚出  
於唐固然以羽翼六經自任其文章議論後世儒  
者頗宗焉宜有追褒以歸從祀厥故牒曰昌黎伯韓文  
惟光顯以勸將來宜特封昌黎伯公之廟潮人請書其事于石因為作詩以遺之使歌以  
祀公其詞曰公昔騎龍白雲鄉莊子乘彼白雲遊于帝鄉手決雲漢  
分天章天孫為織雲錦裳史記曰四星在危南箕瓜牽  
牛為織牲其北織女織女天  
孫女也道書大上飛行羽  
經曰七色夜光雲錦帛飄然乘風來帝旁下與濁世

掃糝糠西游咸池略扶桑離騷云飲余馬於咸池兮馳

鳴谷浴於咸池拂于扶桑草木衣被昭回光追逐李杜參翔翔與李公

池拂于扶桑杜用汗流籍湜走且僵張籍附皇甫湜皆從韓滅没倒景

不可望司馬相如大人賦云貫列缺之側景服曜曰人

作書詆佛譏君王入愈傳去憲宗日乃遣使者往鳳翔迎佛骨

死裴度崔羣等力救解之乃表諫帝大怒將抵史要觀南海窺

衡湘歷舜九疑弔英皇楚辭九歌云九疑兮其在中兮並近山

山漢武則符祀舜于此海外經曰蒼梧之川其上有九疑

以二女妻舜長曰娥皇次曰女英離騷九歌謂娥皇為

湘之祝融先驅海若藏大人賦云祝融警而譁仰張揖

間之祝融先驅海若藏日炎帝之佐也獸身而譁仰張揖

南海神廟碑云海於天地間為物最鉅祝融洪妻善曰

大公金匱云南海之神曰禺猷水山人或謂退之因祝融

為火正遂以爲南海神而不知自有所據  
也離騷云使湘靈鼓瑟方令海若舞夷  
我觴以難卜李奇曰郊祀志云立寧祠而  
黃愈羅池廟碑銘太公不少留我涕滂  
荒愈難詩云翩然下大荒被髮騎騏驎  
之文各極其摯及東坡之碑一出而後衆  
白雲之詩蹈厲發越直到雅頌所謂若捕  
言乎哉

錢氏表忠觀碑

熙寧十年十月戊子資政殿大學士右諫議大夫知杭  
州軍州事臣抃言趙抃字閱道三衢人即清獻公也故吳越國王錢氏  
墳廟及其父祖妃夫人子孫之墳在錢塘者二十有六  
在臨安者十有一皆蕪廢不治父老過之有流涕者謹  
按故武肅王鏐始以鄉兵破走黃巢名聞江淮五代史吳越世

家云錢鏐字具美杭州臨安人唐乾符二年浙西裨將  
 王郢破之是時黃巢眾已數千人攻掠浙東至臨安鏐曰  
 鎮兵少難以禦宜出奇以邀之乃与勁卒二千伏山谷  
 中巢先鋒渡險皆騎鏐伏弩射殺其將巢兵引動  
 卒蹂之斬首數百級先鋒潰鏐曰此可一用尔若大衆  
 至何可敵耶乃引兵趨八百里告道旁媼曰臨安兵屯  
 八百里巢衆至聞媼語不知其地名皆曰鄣十餘卒不  
 可敵光引兵過復以八都兵討劉漢宏并越州以奉董  
 昌而自居於杭已都統高駉表董昌為杭州刺史時天下  
 指揮使中和三年越州觀察使劉漢宏与鏐有隙遣其  
 弟漢賓者出兵以侵浙西鏐率八都兵夜臨浙江撈江  
 沙吞之曰使鏐討賊有功當星月皆晦已而天大昏霧  
 乃渡江鏐賊號所其營營中驚援因焚之漢宏等皆走  
 其後乃奉昌代漢宏而自居杭州其及昌以越叛則誅昌  
 而并越盡有浙東西之地鏐遣顧全武等攻昌遂執昌  
 歸杭州行至西小江昌赴水死昭宗拜鏐為鎮海鎮東  
 節度使鏐如越州受命還錢塘號越州馬東府梁太祖  
 封鏐吳王傳其子文穆王元瓘封吳越國王在位十年而

薨至其孫忠獻王佐遂破李景兵取福州元權子佐立

議延政兄弟與諸將李文達等交攻李景遣兵攻文達  
文達求數於佐二遣其統軍張瑄等率兵三萬赴之大

景以迎周世宗之師周師攻李景徽乃盡括國中丁民

遣使賜徽兵甲旗幟等物其後卒以國入觀太宗太平

五月吳越國王錢俶上表以所管十三三世四王與五

代相終始天下大亂豪傑蜂起方是時以數州之地盜

名字者不可勝數如李茂正據鳳翔號秦揚行密據淮

南號吳王審知據福建號閩王延政既覆其族延及乎無辜之民罔有

子遺而吳越地方千里帶甲十萬鑄山煮海象犀珠玉

之富甲於天下然終不失臣節貢獻相望於道錢氏兼

歲百年當五代時常貢奉中國不絕及我宋之興是

荆楚諸國相次歸命勢益孤始慎其國以事貢獻



以其民至於老死不識兵革四時嬉遊歌鼓之聲相聞  
至于今不廢其有德於斯民甚厚 皇宋受命四方僭  
亂以次削平太祖建隆元年昭義節度李筠反車駕親征筠赴火而死澤潞平四年王師入荆南  
高繼冲率族歸朝開寶四年滿美而蜀江南負其嶮遠  
文拔廣川擒劉鋹以獻嶺南平 命太祖乾德二年十一月  
兵至城下力屈勢窮然後束手 命王全斌等伐蜀二年  
全斌少魏城蜀主孟昶請降自出師凡六十六日而兩  
川平開寶七年十月詔曹彬備美等率師伐江南所至  
拔昇州擒唐國主李煜以獻江南平 而河東劉氏百  
戰守死以抗王師積骸為城醢血為池竭天下之力僅  
乃克之太宗太平興國三年正月詔備美率諸將征太  
諸將攻城五月拔羊馬城累詔劉繼元歸降堅不聽命  
癸未夜攻城二鼓壞繼元始納款甲申繼元率偽官屬  
待罪詔釋之先是太祖開寶二年親征太原命李繼  
元敗其軍於城下以頓師甘草地以人多腹疾遂班師  
至是河獨吳越不待告命封府庫籍郡縣請吏于朝視  
東始平

去其國如去傳舍其有功於朝廷甚大昔竇融以河西  
歸漢光武詔右扶風修理其父祖墳塋祠以太牢事傳見  
今錢氏功德殆過於融而未及百年墳廟不治行道傷  
嗟甚非所以勸獎忠臣慰蒼民心之義也臣願以龍山  
廢佛祠曰妙因院者為觀使錢氏之孫為道士曰自然  
者居之凡墳廟之在錢塘者以付自然其在臨安者以  
付其縣之淨土寺僧曰道微歲各度其徒一人使世掌  
之籍其地之所入以時修其祠宇封殖其草木有不治  
者縣令丞察之甚者易其人庶幾永終不墜以稱朝廷  
待錢氏之意臣抃昧死以聞制曰可其妙因院改賜名  
曰表忠觀銘曰天目之山茗水出焉宋史寰宇記云天目山在湖州安吉縣而水經云浙江水出吳興郡於潛縣北天目山二極高峻巖嶺聳疊上有數百年木謂之双鳳林按王存大

域志湖州南至杭州界首十五里故天目山於寰宇記

則係之湖州於永經則係之於潛而於潛縣屬杭州歌

去湖州被境故若龍飛鳳舞萃于臨安晉郭璞杭州歌

乳長龍飛鳳舞萃于臨安晉郭璞杭州歌

異姓王自東晉迄五代錢其未句云五百年生篤生異人

絕類離羣奮挺大呼從者如雲仰天誓日月星晦蒙強

弩射江江海為東門梁開平四年築捍海塘作障潮通江

數百射滿順作詩投于殺宏誅昌奄有吳越金券玉冊

唐莊宗入洛錢遣使貢獻東玉冊郭崇勳尤不平虎符

之龍節錦衣郎錢海等軍節也注大城其居包絡山川

又曾羅城自秦望包氏秦望山之紅七十里左江右湖控引島

蠻歲時歸休以燕父老城宴故老錦曄如神人玉帶毬

馬曰果太祖嘗問兵越進奏吏曰真英雄也乃以玉帶一匣

打毬賜之四十年長興三年在位四十年寅畏小心厥

十

篋相望大具南金五朝昏亂罔堪托國三王相承以待  
有德既獲所歸弗謀弗咨先王之志我維行之天祚忠  
孝世有爵邑允文允武子孫千億帝謂守臣治其祠墳  
毋俾樵牧愧其後昆龍山之陽歸焉新宮匪私千錢唯  
以勸忠非忠無君非孝無親凡厥有位視此刻文

詩云東坡作表少觀碑荆公真坐隅葉致遠楊德逢二  
人在坐公曰斯作絕似西漢坐客歎不巳公笑曰西  
漢誰人可擬德逢對曰王褒蓋易之也公曰不可草二  
德逢後曰司馬相如揚雄之流乎公曰相如賦子虛大  
人伯論蜀文封碑書耳雄所著大玄法言以淮易論語  
未見其叙事典贈若此也直須与子長騶騁上下坐客  
又從而贊之公曰畢竟似子長何語坐  
客悚然公徐曰漢以來諸侯王年表也

上清儲祥宮碑

碑大洞玉經曰上清有宮門有兩  
闕左金闕右玉闕有羽衣守土  
內有王芝流霞之泉刻金以題衆真飛僊  
之號太宗賜名之意蓋取諸此其後

神宗將宮後  
加儲祥二字

元祐六年六月丙午制詔臣軾上清儲祥宮成當書其事於石臣軾拜手稽首言曰臣以書命待罪北門記事之成職也然臣愚不知宮之所以廢興與凡財用之所從出敢昧死請云公奏議中有撰上清儲祥宮碑奏請狀合用修宮記差臣撰文并書石今有下頭事合奏請者一竊見上清宮條太宗皇帝創建於夔曆中遺火焚傷今欲見元建及遺火年月乞下史院檢會降下一今來上清儲祥宮條神宗皇帝賜名方議修蓋至元祐中蒙內出錢物修蓋成就今欲見先朝所賜錢物及今蒙內出錢物數目及條是何庫錢支撥或係太皇太后皇帝賜本殿錢物並乞檢會降下一今欲見神宗皇帝賜名修宮因依及二聖賜錢修蓋成就意指乞賜頒示一臣切見朝廷自來修建寺觀多是立碑仍有銘文於鼎彝宣苦只作記即更無銘未委今來為碑為指墮乃命有司具其事以詔臣軾始太宗皇帝以聖文神武佐太祖定天下既即位盡以太祖所賜金帛作上清宮朝陽門之內旌興工之功且為王代兵

革之餘遺民赤子請命上帝以至道元年正月宮成民  
不知勞天下頌之至慶曆三年十二月有司不戒于火  
一夕而燼自是爲荊棘瓦礫之場凡三十七年元豐二  
年二月 神宗皇帝始命道士王太初居宮之故地以  
法籙持水爲民禳禱民趨歸之稍以力修復祠宇詔用  
日者言以宮之所在爲 國家子孫地乃賜名上清儲  
祥宮且賜度牒與佛廟神祠之遺利爲錢一千七百四  
十七萬又以官田十四頃給之刻玉如漢張道陵所用  
印印五經傳太張道陵者後漢沛國人也本太李生博通  
弟子入蜀住鶴鳴山忽有天人來授道陵以新出正一  
盟威之道二陵受之能治病於是百姓翕然奉事之以  
爲師弟子至數萬其所用符及所被服冠佩劍履以  
印之蜀龍虎山子孫至今傳之賜太初所以寵之者甚備宮未成者十八而太初卒

太皇太后聞之喟然歎曰民不可勞也兵不可役也  
敕禁中供奉之物務從約損斥賣珠玉以巨萬計凡所  
謂以天下養者悉歸之儲祥積會所賜爲錢一萬七千  
六百二十八萬而宮乃成內出白金六千三百餘兩以  
爲香火瓜華之用召道士劉應真嗣行太初之法命入  
內供奉官陳衍典領其事起四年之春訖六年之秋爲  
三門兩廡中大殿三旁小殿九鍾樓二石壇一建齋殿  
于東以待臨幸築道館于西以居其徒凡七百餘間雄  
麗靖深爲天下偉觀而民不知有司不與焉嗚呼其可  
謂至德也已矣臣謹按道家者流本出於黃帝老子其  
道以清淨無爲爲宗以虛明應物爲用以慈儉不爭爲  
行合於周易何思何慮仁者靜壽之說如是而已自秦

漢以來始用方士言乃有飛仙變化之術真經云仙道  
虛以躡黃庭大洞之法景道家有黃庭內太上天真木公金  
母之號仙傳拾遺云漢初張子房遇四五小兒路上羣  
莫之知子房往拜之曰青謁入天門揖金母拜木公時人  
者西王母也木公者東王公也此二元尊乃陰陽之父母  
母天地之本源木公者男仙之主此二元尊乃陰陽之父母  
生飛化之士昇天之初先覲金母後謁木公然後昇三  
清朝太延康赤明龍漢開皇之紀九天後謁木公然後昇三  
上矣條又云龍漢元年化生天寶君出書時號高上大有玉  
清宮龍漢開圖化生靈寶君至赤明元年出書度人時  
彌上清元都玉京七寶紫微宮赤明元年化生神寶君  
經二劫生上皇元年出書時號三皇洞神太清太極宮  
又云開皇以後數天皇太乙紫微北極之紀下至於丹  
至甲申諸天選叙藥奇技符籙小數皆歸於道家學者不能必其有無然  
臣嘗竊論之黃帝老子之道本也方士之言末也脩其  
本而末自應故仁義不施則韶濩之樂不能以格天地



忠信不立則鄉射之禮不能以致刑措自漢興蓋公治  
黃老而曹參師其言以謂治道貴清淨而民自定以此  
爲政天下歌之曰蕭何爲法講若畫一曹參代之守而  
勿失載其清淨民以寧壹事見曹參傳其後文景之治大率  
依本黃老清心省事薄斂緩獄不言兵而天下富實太  
黃老故文景亦依本之崇尚清淨減臣觀上與太皇  
田租定筆令寢兵息民天下富美太后所以治天下者可謂至矣檢身以律物故不怒而  
威捐利以予民故不藏而富岳已以銷兵故不戰而勝  
虛心以觀世故不察而明雖黃帝老子其何以加此本  
既立矣則又惡衣菲食卑宮室陋器用斥其贏餘以成  
此宮上以畢先帝未究之志下以爲子孫無疆之福  
宮成之日民大和會鼓舞謳歌聲聞于天天地喜荅神

祇來楷祝史無求福祿自至時萬時億永作神主故曰  
修其本而末自應豈不然哉臣既書其事 皇帝若曰  
大哉太祖之功太宗之德 神宗之志而 聖母成之  
汝作銘詩而朕書其首曰上清儲祥宮碑臣軾拜手稽  
首而獻銘曰天之蒼蒼正色非耶莊子云天之蒼蒼非  
極其視下也亦若斯耶我築上清儲祥之宮無以求之  
其肯我從元祐之政媚于上下何修何營曰是四者民  
懷其仁吏服其廉鬼畏其正神予其謙帝既子民維子  
之視云何事帝而瘠其子允哲文母以公滅私作宮千  
柱人初不知於皇 祖宗在帝左右風馬雲車從帝來  
狩閱視新宮察民之言佑我 文母及其 孝孫孝孫  
來纓左右耆耄無競維人以燕我後多士爲祥 文母

所培我膺受之篤其成材千石之鍾萬石之簣戰國策

據千乘之地而建千石之簣相如上林賦云簣千石之鍾立萬石之簣張揖曰千石十二萬斤也

日簣獸也立一石之簣也趙伯山相以銘詩震于四海外舊事云

紹聖中有人過臨江軍驛題二詩不書姓名時賊東城

毀上清碑令蔡京別撰詩云李白當年流夜郎中原不

復漢文章納官贖罪人何在壯士悲歌淚兩行又云晉

公功業冠吾唐吏部文章日月光千載斷碑人膽炙不

知世有段文昌乃江

鄰幾作或云張文潛

宸奎閣碑

皇祐中有詔廬山僧懷璉住京師十方淨因禪院召對

化成殿問佛法大意奏對稱旨賜號大覺禪師是時北

方之為佛者皆留於名相囿於因果以故士之聰明超

軼者皆鄙其言詆為蠻夷下俚之說璉獨指其妙與孔

老合者其言文而真其行峻而通故一時士大夫喜從

之游遇休沐日璉未盥漱而戶外之屨滿矣 仁宗皇

帝以天縱之能不由師傳自然得道與璉問荅親書頌

詩以賜之凡十有七篇至和中上書乞歸老山中德洪

夜話云大覺璉師學外工詩舒王少與游嘗以其詩示歐公歐公曰此道人作肝臟錢頭也王不悟其賦問

其意歐公曰是中無一點菜氣璉蒙也王不悟其賦問

東京淨因院甚久嘗作揚進呈乞還山林曰千簇雲山

萬壑石樓又曰堯仁此峯頭熱二願祝如天壽一在飛

上曰山即如如體也將安歸乎不許仁宗皇帝道德如

古帝王然禪學亦自高遠僕遊阿育王山見所賜璉師

御書五十三卷而偈頌極多內有一頌留璉住京師云

虛空本無礙智解來作崇帝留之不可賜詔許自便璉既渡江少留于金山西湖

遂歸老于四明之阿育王山廣利寺四明之人相與出力建大閣藏所賜頌詩榜之曰宸奎特京師始建寶文

閣此閣在仁宗御書藏於寶文閣命翰林李士王

立石撰記詔取其副本藏焉且命歲度僧一人連歸山二

十有三年年八十有二臣出守杭州其徒使來告曰宸

奎閣未有銘君逮事昭陵而與吾師游最舊其可以

辭臣謹按古之人君號知佛者必曰漢明梁武表發漢

佛也西或天竺國有佛道焉佛者漢言覺也

明帝夢見金人長丈六尺頂有日月光以問羣臣或曰西方

有神其名曰佛陛下所夢得無是乎於是遣使天竺問

其造術而圖其形像焉梁武帝自天監中用釋氏法長齋

以越其徒蓋嘗以藉口而繪其象于壁者漢明以察為

明帝紀論曰明帝法令分明日晏坐朝出柱必達而鍾

乎而梁武以弱為仁釋或謀反逆事者亦泣而省之由

是王侯益橫或曰晝殺人於都街或暮夜公行剽掠上

雖知其弊而溺於慈愛不能禁也故卒有侯景之禍餓

死臺城事並見梁武帝紀皆緣名失實去佛遠甚恭惟仁宗皇帝

在位四十二年未嘗廣度僧尼崇侈寺廟干戈斧鑕未嘗有所私貸而升遐之日天下歸仁此所謂得佛心法者古今一人而已璉雖以出世法度人而持律嚴甚上嘗賜以龍腦鉢孟璉對使者焚之曰吾法以壞色衣以瓦鐵食此鉢非法使者歸奏上嘉歎久之富鄭公語客曰此道人可謂佛弟子也儻使立朝必能尽節以其人品不凡故隨所遇輒盡其才今則璉輩何其少耶

銘曰

巍巍仁皇體合自然神耀得道非有師傳維道人璉逍遙自在禪律並行不相留礙於穆頌詩我既其文維佛與佛乃識其真咨爾東南山君海王時節來朝以謹其

藏

紹興三年夏六月朔州阿育王山住持淨墨以宸

所藏

書詣行在所藏書凡三十五軸字

十二

有三一曰真書二曰飛白三曰隸書上二書世多見之而楚本亦自奇古駁怪也

司馬溫公神道碑

上即位之三年朝廷清明百揆時叙民安其生風俗一變異時薄夫鄙人皆洗心易慮務為忠厚人人自重恥言人過中國無事四夷稽首請命惟西羌夏人叛服不常懷毒自疑數入為寇上命諸將按兵不戰示以形勢不數月生致大首領鬼章青宜經闕下事見夏人數十萬寇涇原至鎮戎城下五日無所得一夕遁去元祐二年九月己未夏人犯鎮戎去而西羌元征聲延以其旅萬人來降遼川東界等處大首領元征聲延聞鬼章已擒震恐以為漢兵且至皆求內附許之黃河始決曹村既築靈平復決小吳橫流五年朔方騷然而今歲之秋積雨彌月河不大溢及冬水入地益深有此

流赴海復禹舊迹之勢

何自元豐以來復決小吳淞漸趨北流至是有北趨九河之勢

凡上所欲不求而獲而其所惡不麾而去天下曉然知天意與上合庶幾復見至治之成家給人足刑措不用如咸平景德間也或以問臣軾上與太皇太后安所施設而及此臣軾對曰在易大有上九自天祐之吉無不利孔子曰天之所助者順也人之所助者信也履信思乎順又以尚賢也是以自天祐之吉無不利今二聖躬信順以先天下而用司馬公以致天下士應是三德矣且以臣觀之公仁人也天相之矣何以知其然也曰公以文章名於世而以忠信自結人主朝廷知之可也四方之人何自知之士大夫知之可也農商走卒何自知之

公嘗賦溫公獨樂園詩有云  
兒童誦君實走卒知司馬

中國知之可也九



夷八蠻何自知之

文潞公彦博嘗謂溫公曰某留守北

宴羣臣伶人戲劇作衣冠者見物必攢取懷之有從其

後以挺朴之者曰司馬端明耶君實清名在夷狄如此

溫公謁謝見然如屈原之在陂澤其與民相忘也久矣而名震天下

如雷霆如河漢如家至而日見之聞其名者雖愚無知

如婦人孺子勇悍難化如軍伍夷狄以至於姦邪小人

雖惡其害已仇而疾之者莫不斂衽變色咨嗟太息或

至於流涕也元豐之末臣自登州入朝過八州以至京

師民知其與公善也所在數千人聚而號呼於馬首曰

寄謝司馬丞相謹毋去朝廷厚自愛以活百姓如是者

蓋千餘里不絕至京師聞士大夫言公初入朝民擁其

馬至不得行衛士見公擊跽流涕者不可勝數公懼而

歸洛遼人夏人遣使入朝與吾使至虜中者虜必問公起居而遼人敕其邊吏曰中國相司馬矣謹毋生事開邊隙其後公薨京師之民罷市而往弔鬻衣以致奠巷哭以過車者蓋以千萬數上命戶部侍郎趙瞻內侍省押班馮宗道護其喪歸葬瞻等既還皆言民哭公哀甚如哭其私親四方來會葬者蓋數萬人而嶺南封州父老相率致祭且作佛事以薦公者其詞尤哀炷香於手頂以送公葬者凡百餘人而畫像以祠公者天下皆是也此豈人力也哉天相之也匹夫而能動天亦必有道矣非至誠一德其孰能使之記曰惟天下之至誠惟能盡其性能盡其性則能盡人之性能盡人之性能盡物之性能盡物之性則可以贊天地之化育天書曰

惟尹躬暨湯咸有一德克享天心又曰德惟一動罔不  
吉德二三動罔不凶或以千金與人而人不喜或以一  
言使人而人喜之者誠與不誠故也稽天之潦不能終  
朝而一縑之溜可以達石者一與不一故也誠而一古  
之聖人不能加毫末於此矣而況公乎故臣論公之德  
至於感人心動天地巍巍如此而斷之以二言曰誠曰  
一公諱光字君實其先河內人晉安平獻王孚之後王  
之裔孫征東大將軍陽始葬今陝州夏縣涑水鄉子孫  
因家焉曾祖諱政以五代衰亂不仕贈太子太保祖諱  
炫舉進士試祕書省校書郎終於耀州富平縣令贈太  
子太傅考諱池寶元慶曆間名臣終於兵部郎中天章  
閣待制贈太師溫國公

行狀云

天章公

以文學行義事

仁宗爲樞密使

御史中丞

上

雜事三司副使歷知六州曾祖妣薛氏祖妣皇甫氏妣以清直仁厚聞於天下

聶氏皆封溫國太夫人公始以進士甲科事仁宗皇

帝至天章閣待制知諫院始發大議乞立宗子為後以

安宗廟宰相韓琦等因其言遂定大計行狀云初至和

豫國嗣未定諫官范鎮首發其議公時為并州通判繼

上三疏及為諫官復詣中書見宰相韓琦等白其事時

嘉祐六年也明年竟事英宗皇帝為諫議大夫龍圖

閣直學士論陝西刺義勇為民患時有詔陝西刺義勇公極論其害

章六上不從乞及內侍任守忠姦蠹乞斬以謝天下守

忠竟以譴死公上疏言都知任守忠國之大賊人之巨

天下又論濮安懿王當准先朝封贈期親尊屬故事

天下驥之公上疏英宗漢宣帝為昭帝後終不追尊

景帝後亦不追尊鉅鹿都尉南頓君伯康下自以為

親入繼大統是尊其父天下上之臣命其安

事神宗皇帝為翰林學士御史中丞西戎部將嵬名  
山欲以橫山之眾降公極論其不可納後必為邊患已  
而果然勸帝不受尊號遂為萬世法及王安石為相  
始行青苗助役農田水利謂之新法首言其害以身爭  
之已上奏疏備見溫公傳家集當時士大夫不附安石言新法不便  
者皆倚公為重帝以公為樞密副使公以言不行不  
受命乃以為端明殿學士出知永興軍遂以為留司御  
史臺及提舉崇福宮退居於洛十有五年及上即位  
太皇太后攝政起公為門下侍郎遷正議大夫遂拜左  
僕射公首更詔書以開言路太皇太后遣使問公所當  
先者公言宜首開言路五  
月丙申遂下詔其間有云若乃陰有所懷犯非其分肩  
搖機事之重迎合已行之今觀望朝廷以希進獻惑流  
俗以干譽凡出於此必罰無赦公言詔書求諫而遂以  
六事防之人惟不言言則皆可以六事罪之矣請刪去

此節下  
乃復下詔  
分別邪正  
進退其甚者十餘人

元祐初以呂公著為右僕

射以范純仁同知樞密院出察諸州  
州章淳知汝州其分別邪正皆此類也  
旋罷保甲保馬

市易及諸道新行鹽鐵茶法最後遂罷助役青苗方議

取士擇守令監司以養民期於富而教之  
稟稟嚮至治

矣  
元豐末罷免行錢井市易元祐初弛京東鐵冶城南  
方鹽課罷免役法罷保甲保馬及新法之害民者復

賢良詞賦春秋利罷而公卧病以元祐元年九月丙辰  
諸路提舉常平使者

朔薨于位享年六十八  
太皇太后聞之慟上亦感涕

不已時方祀明堂禮成不賀二聖皆臨其喪哭之甚哀

輟視朝贈太師溫國公謚以三品禮服謚曰文正官其

親屬十人公娶張氏禮部尚書存之女封清河郡君先

公卒追封溫國夫人子三人童唐皆早云康今為秘書

省校書郎孫二人植亘皆承奉郎以元祐三年正月辛

西葬于陝之夏縣涑水南原之晁村 上以御篆表其墓道曰忠清粹德之碑而其文以命臣軾臣蓋嘗爲公行狀而端明殿學士范鎮取以誌其墓矣故其詳不復再見而獨論其大槩議者徒見 上與 大皇太后進公之連用公之盡而不知 神宗皇帝知公之深也自士庶人至于鄉大夫相與爲賓師朋友道足以相信而權不足以相休戚然猶同已則親之異已則踈之未有聞過而喜受誨而不怒者也而況於君臣之間乎方熙寧中朝廷政事與公所言無一不相違者書數十上皆盡言不諱蓋自敵已以下所不能堪而 先帝安受之非特不怒而已乃欲以爲左右輔弼之臣至爲叙其所著書讀之於邇英閣不深知公而能如是乎 二聖之

知公也知之於既同而先帝之知公也知之於方異  
故臣以先帝爲難昔齊神武皇帝寢疾告其子世宗  
曰侯景專制河南十四年矣諸將皆莫能敵惟慕容紹  
宗可以制之我故不貴留以遺汝紹宗字紹宗慕容而  
唐太宗亦謂高宗汝於李勣無恩我今責出之汝當授  
以僕射乃出爲疊州都督勣傳云勣既忠力帝謂可北  
無恩今以事出之我死宜即授以僕射夫齊神武唐太宗  
雖未足以比隆先帝而紹宗與勣亦非公之流然古  
之人君所以爲其子孫長計遠慮者類皆如此寧其身  
亡受知人之名而使其子孫專享得賢之利先帝知  
公如此而卒不盡用安知其意不出於此乎臣既書其  
事乃拜手稽首而作詩曰



於皇上帝子惠我民孰堪顧天惟聖與仁 聖子受命  
如堯之初 神母詔之匪亟匪徐聖神無心孰左右之  
民自擇相我興授之其相維何太師溫公公來自西一  
馬二童萬人環之如渴赴泉孰不見公莫如我先 二  
聖忘已惟公是式公亦無我惟民是度民曰樂哉旣相  
司馬爾賈子途我耕于野士曰時哉旣用君實我後子  
先時不可失公如麟鳳不鷺不搏羽毛畢朝雄狡率服  
爲政一年疾病半之功則多矣百年之思知公于異識  
公于微匪公之思 神考是懷 天子萬年四夷來同  
薦于清廟 神考之功

經進東坡文集事略卷第五十六

迪功郎新紹興府嵊縣主簿臣郎 曄 上進

叙公祖名序文多云引或作叙見揮麈錄

六一居士集叙 范文正公集叙

樂全先生集叙 鳧繹先生集叙

勤上人詩集叙 聰上人詩集叙

王定國詩集叙 章子平詩集叙

邵茂誠詩集叙 田表聖奏議集叙

杭州送進士詩叙 南行詩叙

六一居士集叙歐文六一何謂也居士傳云客有問曰

一萬卷集錄三代以來金石遺文一千卷有琴一張有琴一蜀而嘗置酒一壺客曰是為五物之問豈不為六一乎翁老於此五物之間豈不為六一乎

夫言有大而非誇達者信之衆人疑焉

唐子西

凡爲文上

重

下句輕則或爲上句壓倒告士集叙云言有大而非誇此雖只一句而體勢則甚重下乃云達者信之衆人疑

爲上句不越孔子曰天之將喪斯文也後死者不得

與於斯文也孟子曰禹抑洪水孔子作春秋孟子距楊

墨蓋以是配禹也文章之得喪何與於天而禹之功與

天地並孔子孟子以空言配之不已誇乎自春秋作而

亂臣賊子懼孟子之言行而揚墨之道廢天下以爲是

固然而不知其功孟子既沒有申商韓非之學違道而

趨利殘民以厚主其說至陋也史記列傳云申不害之

韓非者喜刑名法術之學又云商而士以是罔其上上

鞅天資刻薄人也少好刑名之學之人僥倖一切之功靡然從之而世無大人先生如孔

子孟子者推其本末權其禍福之輕重以救其惑故其

學遂行秦以是喪天下陵夷至於勝廣劉項之禍死者  
十八九天下蕭然洪水之患蓋不至此也方秦之未得  
志也使復有一孟子則申韓為空言作於其心害於其  
事作於其事害於其政者必不至若是烈也使揚墨得  
志於天下其禍豈減於申韓哉由此言之雖以孟子配  
禹可也太史公曰蓋公言黃老賈誼晁錯明申韓此語見太史公錯不足道也而誼亦為之余以是知邪說之移人  
雖豪傑之士有不免者况餘人乎自漢以來道術不出  
於孔氏而亂天下者多矣晉以老莊初何晏等相尚之徒皆受重之由是朝廷士大夫皆以得  
帝梁崇尚釋氏士民無不從風而靡故莫或正之五百餘  
年而後得韓愈學者以愈配孟子蓋庶幾焉韓愈傳贊云昔孟軻

拒楊墨去孔子才二百年愈排二家乃愈之後三百餘  
去千餘歲撥裏反正功與齊而力倍之  
年而後得歐陽子其學推韓愈孟子以達於孔氏著禮  
樂仁義之實以合於大道其言簡而明信而通引物連  
類折之於至理以服人心故天下翕然師尊之自歐陽  
子之存世之不說者諱而攻之能折困其身而不能屈  
其言歐公傳云隨性剛直地善惡黑白明於當路有備  
逐流離至數年者嬰矣而復貶起其志氣故自若也士無賢不肖不謀而同曰歐  
陽子今之韓愈也 宋興七十餘年民不知兵富而教  
之至天聖景祐極矣而斯文終有愧於古士亦因陋守  
舊論卑而氣弱自歐陽子出天下爭自濯磨以通經學  
古為高以救時行道為賢以犯顏納諫為忠至嘉祐末  
號稱多士歐陽子之功為多嗚呼此豈人力也哉非天

其孰能使之歐陽子没十有餘年士始為新學以佛老之以亂周孔之實識者憂之賴天子明聖詔脩取士法風厲學者專治孔氏黜異端然後風俗一變考論師友淵源所自復知誦習歐陽子之書予得其詩文七百六十六篇於其子棐歐公有四子發棐公辯是也乃次而論之曰歐陽子論大道似韓愈論事似陸贄記事似司馬遷詩賦似李白此非余言也天下之言也歐陽子諱脩字永叔既老自謂六一居士云

范文正公集叙

各仲淹字希尹吳郡人

慶曆三年軾始總角入鄉校

志林云吾八歲入小學從道上張簡易

自京師來者以魯人石守道所作慶曆聖德詩示鄉先

生

石介傳云介字守道兗州奉符人慶曆中舉進士

簡以疾罷歸弟而村時代妻嫁為樞密使又命范仲

淹富弼韓琦為樞密副使歐陽脩余靖蔡襄同時為諫

官介於是喜曰此盛事也

德詩軾從旁竊觀則能誦習其詞問先生以所頌十一

人者何人也詩序所載十一人乃杜公衍章公得象晏

歐陽公儲余公靖先生曰童子何用知之軾曰此天人

也耶則不敢知若亦人耳何為其不可先生奇軾言盡

以告之且曰韓范富歐陽此四人者人傑也時雖未盡

了則已私識之矣嘉祐二年始舉進士至京師則范公

沒既葬而墓碑出歐公碑乃讀之至流涕曰吾得其為人

蓋十有五年而不一見其面豈非命歟是歲登第始見

知于歐陽公以識韓富皆以國士待軾曰恨子不識范

文正公其後三年過許始識公之仲子今丞相堯夫公

有四子純佑純仁純

純堯夫即純仁又六年始見其叔彛更京師又十

年

有

純

堯

夫

即

純

一年遂與其季德瑤德瑤字同僚于徐公時知徐州皆一見

如舊且以公遺藁見屬為叙又十三年乃克為之嗚呼

公之功德蓋不待文而顯其文亦不待叙而傳然不敢

辭者以八歲知敬愛公今四十七年矣彼三傑者皆得

從之游而公獨不識以為平生之恨若獲掛名其文字

中以自托於門下士之末豈非疇昔之願也哉古之君

子如伊尹太公管仲樂毅之流其王霸之略皆定於畎

畝中非仕而後學者也淮陰侯見高帝於漢中論劉項

短長畫取三秦如指諸掌及佐帝定天下漢中之言無

一不酬者韓信傳大略云項王雖霸天下所過無不殘

所害秦民無不欲得天下心其強易弱大王入關秋毫無

秦可傳數而定也漢王聽信計遂率兵定三秦諸葛

孔明卧草廬中與先主論曹操孫權規取劉璋因蜀之



資以爭天下終身不易其言

諸葛亮傳大略云先生請

曹操雖百萬之衆難與爭鋒

孫權國險而民附可與爲

援而不可圖荆州北據漢

而其主不能守益州險塞

而劉璋闇弱將軍若跨有荆

益保其岩阻天下有變則

命一上將二荆州之軍以向

宛洛將軍身率益州之衆

出於秦川百姓孰不箪食壺

此豈口傳耳受嘗試爲之

而僥倖其或成者哉公在天聖中居太夫人憂則已有

憂天下致太平之意故爲萬言書以遺宰相天下傳誦

范公傳云仲淹監睦州糧料院母喪去官晏殊知應大

府表掌府事上書執政請擇牧宰斥游惰去冗僭厚民

財謹選奉育將至用爲將爲公邊招討使擢爲執政

材正萬餘言至用爲將爲公邊招討使擢爲執政

使正嘗除樞密副考其平生所爲無出此書者今其集

二十卷爲詩賦二百六十八爲文一百六十五其於仁

義禮樂忠信孝悌蓋如飢渴之於飲食欲須臾忘而不

可得如火之熱如水之濕蓋其天性有不得不然者雖

弄翰戲語率然而作必歸於此故天下信其誠爭師尊  
之孔子曰有德者必有言非有言也德之發於口者也  
又曰我戰則克祭則受福見孔非能戰也德之見於怒  
者也

樂全先生文集叙張方平字安道自號樂全先生

孔北海志大而論高功烈不見于世然英偉豪傑之氣  
自為一時所宗其論盛孝章鄙鴻豫書慨然有烈丈夫  
之風會稽典錄云盛憲字孝章會稽人北漢末為吳郡太守孫策定江東以憲為江東首望恐人歸之因禁欲殺憲故孔融作書論之欲使曹公致書於吳以救憲書未致已誅矣融書本傳不載見文選第四十一卷又續漢書云融諱應字鴻豫山陽高平人正表傳曰叔常問孔融曰鴻豫何所履長融曰可與適隨未可與權應不睦曹操以書和辭之融遂作報書二載本傳諸葛孔明不以文章自名而開物成務之姿綜練名實之意

自見於言語至出師表

孔明傳大建興五年亮巡諸軍北駐漢中臨發上表遂行表載

本傳亦見文選第三十七卷

簡而盡直而不肆大哉言乎與伊訓說

命相表襄非秦漢以來以事君為悅者所能至也常恨

二人之文不見其全今吾樂全先生張公安道其庶幾

乎公志林中嘗言見王龜云張安道謂蘇子瞻此吾孔

北海諸葛孔明則吾豈敢比海咸似之然不若

蘇之憲也吾謂北海以忠義氣節冠天下其勢足與曹

操相輕也非兩立者北海以死捍漢室所謂輕於

鴻毛者何哉嗚呼士不以天下之重自任久矣言語非不

工也政事文學非不敏且博也然至於臨大事鮮不忘

其故失其守者其器小也公為布衣則頽然已有公輔

之望自少出仕至老而歸未嘗以言徇物以色假人雖

對人主必同而後言毀譽不動得喪若一真孔子所謂

大臣以道事君者世遠道散雖志士仁人或少貶以求

用公獨以邁往之氣行正大之言曰用之則行舍之則  
藏上不求合於人主故雖貴而不用用而不盡下不求  
合於士大夫故悅公者寡不悅公者衆然至言天下偉  
人則必以公爲首公盡性知命體乎自然而行乎不得  
已非蘄以文字名世者也然自慶曆以來訖元豐四十  
餘年所與人主論天下事見于章疏者多或用或不用  
而皆本於禮義合於人情是非有考於前而成敗有驗  
於後及其他詩文皆清遠雄麗讀者可以想見其爲人  
信乎其有似於孔北海諸葛孔明也軾年二十以諸生  
見公成都文定自滑州徙知成都公一見待以國士今三十餘年  
所以開發成就之者至矣而軾終無所效尺寸於公者  
獨求其文集手校而家藏之且論其大略以持後世之

君子昔曾魯公嘗為賦言魯公名亮公在人主前論大事  
他人終日反覆不能盡者公必數言而決然成文皆  
可書而誦也言雖不盡用慶曆以來名臣為人君所敬  
莫如公者公今年八十一杜門却掃終日危坐將與造  
物者遊於無何有之鄉言且不可得聞而況其文乎凡  
為文若干卷若干首

堯澤先生文集叙

烏臺詩話云熙寧十年執知  
密州日頗復寄書與軾云先

父自號堯澤先生求作文集叙軾意謂  
更改法度使李若皆空言不使此叙是也

孔子曰吾猶及史之闕文也有焉者借人乘之今士矣  
夫史之不闕文與焉之不惜人也豈有損益於世者哉  
然且識之以為世之君子長者日以遠矣後生不復見  
其流風遺烈是以日趨於智巧便佞而莫之止是二者

雖不足以損益而君子長者之澤在焉則孔子識之又况其足以損益於世者乎昔吾先君適京師與卿士大夫遊歸以語軾曰自今以往文章其日工而道將散矣士慕遠而忽近貴華而賤實吾已見其兆矣以魯人見繹先生之詩文十篇示軾曰小子識之後數十年天下無復爲斯文者也先生之詩文皆有爲而作精悍確苦言必中當世之過鑿鑿乎如五穀必可以療飢斷斷乎如藥石必可以伐病其游談以爲高枝詞以爲觀美者先生無一言焉其後二十餘年先君既沒而其言存士之爲文者莫不超然出於形器之表微言高論既已鄙陋漢唐而其反復論難正言不諱如先生之文者世莫之貴矣軾是以悲於孔子之言而懷先君之遺訓益求

先生之文而得之於其子復復字長道嘗應有乃錄而藏之先生諱太初字醇之姓顏氏先師亮公之四十七世孫云

錢塘勤上人詩集叙

各惠勤餘杭人歐陽公有山中之樂三章為勤作也

昔翟公罷廷尉賓客無一人至者其後復用賓客欲往翟公大書其門曰一死一生乃知交情一貧一富乃知交態一貴一賤交情乃見出史記汲鄭傳贊世以為口實然吾嘗薄其為人以為客則陋矣而公之所以待客者獨不為小哉故太子太師歐陽公好士為天下第一士有一言中於道不遠千里而求之甚於士之求公以故盡致天下豪俊自庸眾人以顯於世者固多矣歐公本傳云脩雖以文維一時然無尼前好勝之氣推數賢然士之貧公者亦時士而身下之一時聞人多出其門

有之歐公毫州謝表云未乾薦柳之墨已蓋嘗慨然大

息以人之難知為好士者之戒意公之於士自是少倦

而其退老於潁水之上余往見之則猶論士之賢者惟

恐其不聞於世也至於負者則曰是罪在我非其過也

翟公之客負公於死生貴賤之間而公之士叛公於瞬

息俄頃之際翟公罪客而公罪已與士益厚賢於古人

遠矣公不喜佛老其徒有治詩書學仁義之說者必引

而進之佛者惠勤從公遊三十餘年公常稱之為聰明

才智有學問者尤長於詩公薨於汝陰余哭之於其室

其後見之語及於公未嘗不涕泣也東坡志林題文忠公送惠勤詩云始

余未識歐公則已見其詩矣其後屢見公得勤之為人始

然猶未識勤也熙寧辛亥到官不及月以臘日見勤於

孤山下則余詩所謂孤山孤絕誰肯度道人有道心不

致者也其明年閏七月公薨於汝陰而勤亦退老於孤

山



山下不後出遊矣勤固無求於世而公又非有德於勤者其所  
以涕泣不忘豈為利也哉余然後益知勤之賢使其得  
列於士大夫之間而從事於功名其不負公也審矣熙  
寧七年余自錢塘將赴高密東坡自杭倅密守密州勤出其詩苦  
千篇求余文以傳於世余以為詩非待文而傳者也若  
其為人大略則非斯文莫之傳也

送錢塘聰師聞復叙

東坡倅錢塘時聰方為童子行試經坡謂坐客言此子

雖少善作詩近參寥子作皆字韻詩可令  
和之聰和篇立成云千點亂山橫紫翠一  
釣新月掛黃昏坡大稱賞言不減唐人因  
笑曰不須念經也做得一箇和尚是年聊

始為僧見竹坡  
坡老人詩話

天以一生水地以六成之此五行生成之數一六合而  
水可見雖有神禹不能知其孰為一孰為六也子思子

曰自誠明謂之性自明誠謂之教誠則明矣明則誠矣  
誠明合而道可見雖有黃帝孔丘不能知其孰為誠孰  
為明也佛者曰戒生定定生慧慧獨不成定乎伶元有  
言慧則通通則流趙后別傳叙云伶元字子季无不  
南相買妾與通德有才色知書頗能道飛經節事  
子于曰斯人俱灰滅矣方盛時疾精力馳騁欲盡感  
之寧知婦人曰對草乎通德占山鎮闢影以手擁髻  
其防則百物不仕焉是烏知真慧哉醉而狂醒而止慧  
溝為室无所不仕焉是烏知真慧哉醉而狂醒而止慧  
之生定通之不流也審矣故夫有目而行則褰裳疾走  
常得大道無目而隨人則扶輪曳踵常仆坑穽慧之生  
定速於定之生慧也錢塘僧思聰大全集有題跋云法  
一善琴應對明了如成人自言未得法名而同師皆聯  
思字遂与名思聰幾他日因聲以得法乃書以付之  
七歲善彈琴十二捨琴而學書書既工十五捨書而學

詩詩有奇語雲煙葱瓏珠璣的皪識者以為畫師之流  
聰又不已遂讀華嚴諸經入法界海慧今年二十有九  
老師宿儒皆敬愛之秦少游取楞嚴文殊語字之曰聞  
復使聰日進不止自聞思修以至於道楞嚴經云觀音  
摩訶則華嚴法海自為蓬蘆莊子天運篇老聃謂孔子曰  
地一宿而不而況詩書與琴乎雖然古之學道無自虛空  
可久處  
入者輪扁斲輪莊子天道篇威公讀書於堂上輪扁斲  
威公問之輪曰以臣之事顯之斲輪徐則甘而不固疾  
則苦而不入不徐不疾得之於手而應之於心是以行  
年七十而斲輪不斲者承蜩猶綴之也仲尼  
曰子巧乎有道邪曰吾處身也若蜩翼之知吾不  
搗木之質雖天地之大萬物之多而唯蜩翼之知吾不  
反不側不以萬物易蜩之翼何為而不得孔子聞之謂  
弟子曰用志不分乃疑於神其斲輪文人之謂中肯  
可以發其智巧物無陋者聰若得道琴與書皆與有力

詩其尤也聰能如水鏡以一含萬則書與詩當益奇吾將觀焉以為聰得道深淺之候

王定國詩叙

名鞏王丈正公曰之孫懿敏公素之子

太史公論詩以為國風好色而不淫小雅怨悱而不亂

此語見史記屈原傳叙

以余觀之是特識變風變雅爾為觀詩之

正乎昔先王之澤衰然後變風發乎情雖衰而未竭是以猶止於禮義以為賢於無所止者而已若夫發於性止於忠者其詩豈可同日而語哉古今詩人衆矣而杜子美為首豈非以其流落飢寒終身不用而一飯未嘗忘君也歟

子美傳云甫為歌詩傷時繞弱情不忘君人憐其忠太

今定國以余故

得罪貶海上五年

定國坐東坡累遷謫賓州頗能自處東坡與定國書曰君實云王定國瘴

煙密裏五年面如紅玉不意其能如此

乎山谷有遙憐驥鬣綠之句亦同此意一子死貶所一

子死于家定國亦病幾死余意其怨我甚不敢以書相  
聞而定國歸至江西以其嶺外所作詩數百首寄余皆  
清平豐融藹然有治世之音其言與志得道行者無異  
幽憂憤歎之作蓋亦有之矣特恐死嶺外而天子之恩  
不及報以忝其父祖耳孔子曰不怨天不尤人定國且  
不我怨而肯怨天乎予然後廢卷而歎自恨期人之淺  
也又念昔者定國過余於彭城謂公知徐州時留十日往反作  
詩幾百餘篇余苦其多畏其敏而服其工也一日定國  
與顏復長道游泗水登元山吹笛飲酒乘月而歸余亦  
置酒黃樓上以待之曰李太白死世無此樂三百年矣  
公遊百步洪詩叙云王定國訪余於彭城一日棹小舟  
與顏長道游泗水北上聖女山南下百步洪吹笛飲酒  
乘月而歸余時以事不往夜著羽衣竹立於黃樓上相  
視而笑以謂李太白死世無此樂三百年矣

傳白洋游四方嘗與崔宗之自來今余老不復作  
磯至金陵著宮錦袍坐舟中旁若無人  
詩又以病止酒閉門不出門外數步即大江經月不至  
江上眊眊焉真一老農夫也而定國詩益工飲酒不衰  
所至翱翔徜徉窮山水之勝不以厄窮衰老改其度今  
而後余之所畏服於定國者不獨其詩也

章子平詩叙

子平名衡建安人

觀進士登科錄自天聖初訖于嘉祐之末凡四千五百  
一十有七人其實且賢以名聞於世者蓋不可勝數數  
其上之三人凡三十有九而不至於公卿者五人而已  
可謂盛矣詩曰誕后稷之穡有相之道生民詩注云相  
之掌稼穡有見助之意我仁祖之於士也亦然較之以  
道謂若神助之意聲律取之以糊名而異人出焉是何術哉目之所閱手

之所歷口之所及其人未有不碩大光明秀傑者也此  
豈人力乎天相之也天之相人君莫大於以人遺之其  
在位之三十五年進士蓋十舉矣而得吾子平以為首  
嘉祐二年三月五日 仁宗御崇政殿親試子平以文  
進士三百八十八人十一日羅子平為第一子平以文  
章之美經術之富政事之敏止之以正行之以謙此功  
名富貴之所迫逐而不赦者也周武帝謂楊素曰善自勉勿憂不富貴素曰善自  
臣但恐富貴來逼臣臣無心圖富貴雖微舉首其孰能加之然且困躓而  
不信十年於此矣意者任重道遠必老而後大成歟不  
然我 仁祖之明而天相之遺之人以任其事而豈徒  
然哉熙寧二年冬子平自右司諫直集賢院出牧鄭州  
士大夫知其將用也十一月丁未會于觀音之佛舍相  
與賦詩以餞之余於子平為同年友公於子平榜中乙科眾以為

宜為此文也故不得辭

邵茂誠詩集叙

貴賤壽夭天也賢者必貴仁者必壽人之所欲也人之

所欲適與天相值實難譬如匠慶之山而得成鑿莊子達生

篇云梓慶削木為鐻成見者驚然鬼神脅侯問焉對曰臣將為鐻必齋以靜必齋七日忘言有四肢形體也

然然後入山林見成豈可常也哉因其適相值而責之以

常然此人之所以多怨而不通也至於丈人其窮也固

宜勞心以耗神盛氣以忤物未老而先衰無惡而得罪

鮮不以文者天人之相值既難而人又自賊如此雖欲

不困得乎茂誠諱迎姓邵氏與余同年登進士第十有

三年而見之於具興孫華老之座上華老名竟高郵人時自廣德軍徙知

湖出其詩數百篇余讀之彌月不厭其文清和妙麗如



晉宋間人而詩尤可愛咀嚼有味雜以江左唐人之風  
其為人薦學強記恭儉孝友而貫穿法律敏於吏事其  
狀若不勝衣語言氣息僅屬余固哀其任衆難以率其  
身且疑其將病也踰年而茂誠卒又明年余過高郵則  
其喪在焉入哭之敗幃瓦燈塵埃蕭然為之出涕太息  
夫原憲之貧家語弟子解篇云原憲宋人清淨守節貧而樂道顏回之短命弟子  
傳顏回魯人年三十一早死揚雄之無子邲傳云天鳳五年雄卒侯  
其有馮衍之不過簡光武時人屢困於讒竟不皇甫士  
安之篤疾晉史列傳云皇甫謐字士安有高尚之志彼  
遇其一而人哀之至今而茂誠諫之豈非命也哉余是  
以錄其文哀而不怨亦茂誠之意也

田表聖奏議叙表聖名鉉嘉州人中進士第終於左諫議大夫

故諫議大夫贈司徒田公表聖奏議十篇嗚呼田公古

之遺直也

左傳昭公十四年晉邢侯與雍子爭論鄆田

納其女於叔魚藏罪邢侯怒殺叔魚與雍子共棄

宣子問其罪於叔向叔向曰三人同罪施邢侯專殺其罪

一也乃施邢侯而尸雍子叔魚於市仲尼曰叔向古之

直其盡言不諱蓋自敵已以下受之有不能堪者而

也

况於人主乎吾是以知二宗之聖也

錫當太宗時上言軍國要機著

一朝廷大將者四太宗嘗稱錫有文行敢言真宗

即位累召問言事及卒真宗謂劉沆曰田錫直臣也

何天奪之速朝廷拓有小缺失方在思

憲錫之章表已至事規范獨公蒙求

來至於咸平可謂天下大治千載一時矣而田公之言

常若有不測之憂近在朝夕者何哉古之君子必憂治

世而危明主明主有絕人之資而治世無可畏之防夫

有絕人之資必輕其臣無可畏之防必易其民此君子

之所甚懼也方漢文時刑措不用兵革不試而賈誼之言曰天下有可長太息者有可流涕者有可痛哭者後世不以是少漢文亦不以是甚賈誼由此觀之君子之遇治世而事明主法當如是也誼雖不遇而其所言略已施行不幸早世功烈不著於時誼傳贊云追觀孝文誼之所陳略施行矣誼亦天年然誼嘗建言使諸侯王誼之所謂陳略施行矣誼亦天年終雖不至公卿誼之所謂陳略施行矣誼亦天年未為不遇也然誼嘗建言使諸侯王子孫各以次受分地誼之所謂陳略施行矣誼亦天年諸國子孫罪以次各受祖之分地文帝未及用歷孝景至武帝而主父偃舉行之漢室以安主父偃傳云偃說上曰今諸侯子弟或十數而滿國代立餘雖骨肉无尺地之封今諸侯子弟或十數而滿國分子弟以地侯之被入人喜得所願上以撫今公之言施實分其國不削自弱弱矣於是上從其計今公之言十未用五六也安知來世不有若偃者舉而行之歟願廣其書於世必有與公合者此亦忠臣孝子之志也

送進士詩叙

熙寧五年東坡年三十七時通守杭州是年科舉羣公監試

右登披公堂四章章四句太守陳公之詞也

陳公名襄字述古福

州侯官人

蘇子曰士之求仕也志於得也仕而志於

得者偽也苟志於得而不以其道視時上下而變其學

曰吾期得而已矣則凡可以得者無不為也而可乎昔

者齊景公田招虞人以旌不至孔子善之曰招虞人以

皮冠

左傳昭公二十年十二月齊侯田于沛招虞人以

大夫弓以招士皮冠執之辭曰昔我先君之田也旃以招

敢進乃舍之仲尼曰守道不如守官君子韙之夫旌

與皮冠於義未有損益也然且不可而况使之棄其所

學而學非其道欤熙寧五年錢塘之士貢於禮部者九

人十月乙酉燕于中和堂公作是詩以勉之曰流而不

反者水也不以時遷者松栢也言水而及松栢於其動

者欲其難進也萬世不移者山也時飛時止者鴻鴈也言山而及鴻鴈於其靜者欲其及時也公之於士也可謂周矣詩曰無言不酬無德不報二三子何以報公乎

江行唱和集叙

邵氏聞見後錄云子瞻作此叙時年方冠尚未第其發於文章

已如此及以年譜攷之嘉祐四年已亥老

泉年五十一舟行適楚二子皆侍行時東坡年二十四穎實年二十一程夫人服闕故侍老泉適楚謂其方冠而未第者誤也

夫昔之爲文者非能爲之爲工乃不能不爲之爲工也山川之有雲霧草木之有華實充滿勃鬱而見於外夫雖欲無有其可得耶自聞家君之論文以爲古之聖人有所不能自己而作者故軾與弟轍爲文至多而未嘗敢有作文之意已亥之歲侍行適楚舟中無事博奕飲酒非所以爲閨門之歡而山川之秀美風俗之朴陋賢

人君子之遺迹與凡耳目之所接者雜然有觸於中而發於詠歎蓋家君之作與弟轍之文皆在凡一百篇謂之南行集將以識一時之事爲他日之所尋繹且以爲得於談笑之間而非勉強所爲之文也時十二月八日江陵驛書

時正在荆南

○經進東坡文集事略卷第五十六